



旗值日兵部引 見四十四員提督衙門六員廂黃滿九員正白滿十一員正白蒙四員 頤和園五員溥良因伊子放四川正考官謝 恩  
統隆謝放四川正考官 恩陳璧前往 西陵請 訓李士鈞謝放湖南正考官 恩延伯普公各續假十日趙尚輔請假一個月徐  
士佳何候 召見 召見軍機及徐士佳李權英提督衙門奏拿獲結夥持械嚇禁事主搶劫盜犯邵羊兒即邵祥兒又名落地梆仔等三名  
又交拿人犯貴善自行投案均請交刑部

譯述日本實取馬山浦約文

○天津直報云日本明治三十五年五月十七日駐韓全權公使林君權助與高麗署外部大臣崔君榮夏  
訂立章程將馬山浦實與日人爲居留地茲已繕就約文送交日本外務省照准爲特依和文譯出備錄下方 第一條 日本政府遵照各國租  
界定章得收買租界外十里以內之地爲日本居留地之位置其區域另圖標明 第二條 居留地內之道路溝渠渠原屬官有此約施行之後所  
有一切設施概歸日本領事一手辦理 第三條 此約未畫押以前如有外國人曾在該居留地內收買地段或韓國人私相授受之地段均須  
將前日應納之稅一律納清至韓國人所有之地須於畫押後一年之內照價平賣於日本政府迨畫押後不得再將地售與他國 第四條 收  
買居留地應照韓國官價每百方邁當銀幣三元如韓國人以日本收買地段房屋價值爲不公允則韓國監理可會同日領事公平估價以順輿  
情 第五條 居留地稅自此約畫押日起每百方邁當每年納銀幣二角約於正月十日前豫先納付 第六條 居留地內所有民人家墓  
應隨時移葬每穴由日領事給銀幣五元爲其移葬之費 第七條 居留地內如遇築造海岸等事應先與韓國監理協議辦理 第八條 本  
約用日韓兩國文字各寫一通互相簽押收存以爲他日之證 大日本明治三十五年五月十七日特命全權公使林權助 大韓光武六年五  
月十七日署理外部大臣崔榮夏

請改官制

○天津直報云月前奉天將軍增留守入奏 九重請將官制酌改大要謂須添設一道三府八縣計昌圖府改爲昌海道  
海龍廳改爲海龍府遼陽州改爲遼陽府營口海防廳改爲海防府奉天圍場添設四縣曰東平曰西平曰東安曰西安昌圖府所轄鄭家屯一帶  
添設一縣尚未定名連蒙古之彰武門添設一縣曰距彰武新民屯百餘里有八角臺爲遼水發源之處添設一縣曰遼源廣寧所屬小黑山亦  
衝要之區添設一縣曰黑山

路工糾葛

○天津直報云甲午拳亂之後由山海關達天津鐵路經美人與前任大學士合肥李文忠商定條約鈐以印信准其承修後  
胡侍郎及袁保帥不知緣何又允比人承修枝路至所議交還條約則復云此路四十里間准英人修築因之美人執約以爭謂文忠鈐印之文爲  
不能廢俄人亦不照前約交還日前 簡升山東巡撫周玉山中丞 召對時 兩宮諭以汝在直隸多年李鴻章之所爲自應詳悉今  
各國因此爭競汝須善爲調停由是觀之內恐中丞未能即赴山東新任矣

且免程才

○南昌訪事友人云五月某日江西撫憲李勉林中丞牌示曰本部院奏設講武館前經擬定章程每年分春夏秋冬四季示  
期聚試凡本省在標各武職並學習之武進士武舉無論有無差缺均准報名投考其外來投効人員及各學武生亦准取具文結申送與考每季  
考試分爲三場第一場試以馬步槍打靶第二場試以體操勇力第三場試以兵法測量繪圖學三場合校分別去取其在標提鎮以下各員如有  
年不合格願聞新式操練等事者許就平日所能操考一場不必足三場之數考畢另列 榜酌給獎賞飭發刊行在案現在館宇落成應即不期  
開考以便挑選習茲本部院定於六月初二日在順化門外大校場考試第一場六月初三日在院署箭道考試第二場六月初四日在營務處  
考試第三場其各遵照特示

雙旌過潤

○鎮江訪事友人云 欽命商約大臣呂鏡宇大司空盛杏蓀宮保偕英國使臣馬凱君由滬乘招商局新裕輪船赴江鄂  
二處與劉張兩制軍商議要公五月二十六日午時道出京江常備續備各防營均列隊江干迎迓俄而常鎮連海道長久山觀察南洋常備右軍  
統領杜雲秋觀察南洋續備全軍統領陳宇山軍門水陸總巡周錦堂遊戎丹徒縣洪鸞汀大令以及各防營官弁咸具手版稟安未幾江裕自鼓  
輪上駛象山東馬頭都天廟各砲臺復鳴砲志敬

戎旌過潤

○鎮江訪事友人云新任浙江提督呂道生軍門本元 陛辭出京遵陸南下上月二十四日道出潤州署鎮江城守營添  
將吳養吾參戎水陸總巡周錦堂遊戎以及常備續備各營員均詣行轅謁見軍門隨於二十六日赴金陵謁見督憲劉峴莊宮太保然後赴密渡  
節署履新

仙遊民變

○廈門訪事人云福建興化府屬仙遊縣各鄉民因地方官籌捐未得善法羣焉不服聚衆擁入縣署恣意譁囂縣主王大令  
出爲開導竟被擊傷頭顱顯事爲府尊某太守所聞立即派勇前往彈壓一面據情電稟督轅督憲許筠帥派濟用局總辦柯觀察帶勇至彼相機剿  
撫務令即日救平

蘇省決囚

○姑蘇訪事人云上月二十六日臬轅接奉刑部釘封公文飭將行劫海門廳境某姓家之甲乙二盜犯及行劫如皋縣境某  
錢鋪之盜犯某丙一併正法等因臬憲敘述堂廉訪因即札飭吳縣田春庭大令會同守備夏亮庭守戎帶同綠營兵數十名將三犯捉出鄉赴北  
寺大校場處決旋經蘇州府同子振太守委員將首級分別解赴犯事地方懸竿小眾

飢民肆劫

○密波訪事友人云日前浙江奉化縣屬塘壘 帶鄉民以米價奇昂無貨餬口騰集數百輩蜂擁至某富室藉稱求食恣意  
騷擾頃刻間將衣服簪環括括盡後由某富室鳴報縣縣主某大令飭差拿獲兩名詳加研訊擇其尤者站籠小眾尙有一犯飭差協同副  
中營練勇解送密波府署懲辦由府尊高太守發交郵縣押候懲治

試事誌聞

○松江訪事友人云日前江蘇提督學政李蔭墀大宗師札行府署限本月十一日取齊松屬各邑生童府尊余石蓀太守奉  
文後隨即札飭華婁兩縣一體出示曉諭務得學署中人來信知婁江試事須於十二日告竣至速亦必十三日啓行果爾則文旌蒞松當遲至十  
四五日矣

臆鳥來蘇

○姑蘇訪事友人云正任寶山縣知縣金蒼青大令元煩奉藩憲陸春江方伯調署元和縣缺本擬即日履新嗣以調署寶山  
縣之王緯宸大令得庚戌卸元和縣篆後須親赴金陵謁見兩江總督劉峴莊宮太保是以金大令未能遽卸仔肩迨王太令事畢至寶山擇吉  
五月二十七日接印金大令隨即束 就道於二十九日行抵省垣趨詣各憲轅稟到聞已筮吉本月初三日接印然尙未見明文也

白門祈雨 ○金陵訪事友人云此間久未得雨溝流枯涸瘟疫叢興大憲軫念民依札飭署江寧府朱子文太守札行上元江寧兩縣設壇求雨以救斯民上元縣戴子和江寧縣盧肅卿兩大令遵奉憲札卜吉五月二十二日設壇龍王廟拈香虔禱冀降甘霖不知蒼蒼者天果能悉如人意否也

杭疫未已 ○杭州訪事友人云邇者天時寒暖不齊疫癘流行死亡相繼日前新橋左近有某甲者染疫呻吟不終日已奄然而逝其妻分婉甫聞上聞之不勝悲楚一慟之下即暫赴泉途所生女孩亦以乳哺無人同歸於盡戚友聞之咸來經理喪事不料互相傳染致斃二人尚有三人幸得救治而愈又海鹽溝居民楊某年已花中某晚由外飲酒而歸忽覺腹痛如割旋即吐瀉交作延醫診治卒無效驗未及天明而殞現任各社里人咸集資設醮醮假神惑眾殊屬不經易若移此巨資購藥施送俾得實惠均沾也

蘇疫未已 ○蘇州訪事友人云邇者時疫流行死亡相繼人心惴惴咸謂不保暮之憂江蘇撫憲恩藝棠大中丞民瘼關心諭令蘇州府及長元吳三縣就郡城隍廟設立醮壇延羽士五十名誦經禱懺闔門一帶鋪戶及長洲縣署胥役元妙觀道流亦皆捐集鉅貲雇匠繫就龍燈四處游行以禳瘟疫嘻何一國之人皆若狂耶其愚誠不可及矣

解餉過申 ○廣東候補縣陳明府奉大吏委解京餉入都道出滬上昨日午後命駕至上海縣署拜會縣主汪瑞庭大令請撥民壯數名全舟次照料大令允之

平糶須知 ○昨日上每縣汪瑞庭大令出曉諭日照得近來米價奇昂農民食力維艱業經道憲轉求督撫憲感官保奏准借撥存滬漕米平價出糶並據各鄉鎮董顧姓等稟請提撥存典積穀息欸作為運本領米赴鄉平糶又擬呈平糶章程到縣據經諭飭各鄉局董督同各圖董保查造實在貧民戶口數目清冊呈核一面備具印簿照送積穀經董提存與穀息核數攤派連同印簿併發各局董收領刻速領米設局平糶合行出示曉諭為此仰各鄉農商人等知悉自示之後爾等赴局糶米務須按照定價隨繳現錢以資轉運不得拖延帶欠倘敢故違及有地棍強賄藉端攔情事許局董隨時指名稟縣以憑提究決不寬貸毋違切切特示

嚴究唆訟 ○上海縣學附生汪錫春前因包攬訟事劣跡多端經縣主汪瑞庭大令訪拿到案訊押主簿署中嗣經一再稟求從寬取保出詎料近日汪又唆使聖隆猪行股東王永發赴臬轅及松江府署上控執事人倪熙瀛舞弊營私經府尊余石蓀太守訪悉札飭上海縣拘訊究大令立即飭差拘獲略訊情由喝令重責汪供上月二十六日生員因松江戚串家有喜慶事曾襪被一行此外惟閉戶讀書並未犯事大令飭發交縣丞收押

條陳捕務 ○本邑南市馬路工程局總辦翁子文太守接奉蘇松太兵備道袁海觀觀察札文飭即統轄十六鋪裏街援照馬路章程辦理等因爰定於本月初六日撥捕校巡旋復擬具章程六條移請上海縣汪瑞庭大令會同辦理

稟請催捐 ○本邑南市十六鋪地甲裘鎮由上海縣汪瑞庭大令責令經收本鋪房捐邇來查得唐長興等店疲玩抗違因即稟請大令派差催繳

移屍被阻 ○寶山縣頭圖居民徐關榮前將田一畝有奇永遠租與上海法商信孚洋行主議定價值先收洋銀五百元既而其子廷卿將此田另租與西人愛而德信孚行主遂控諸法界公堂讞員杜枝園大令訊得彼處地保姚俊有阻撓情事因即備文移提研訊之餘押交廷卿到案嗣知此事尚有族人徐掌泉出而霸阻爰復飭包探齋文至寶山請派差協提掌泉寶山縣差阻不許帶回包探無奈回滬稟復未知大令如何核奪也

邑宰驗屍 ○有秦仁林者學於新聞兆慶里盛炳榮所開水木作身材矮小年甫九齡前日其師遣赴虹口靶子路某姓家做工既臻升屋巔突被把作人邱才卿從高推仆一落千丈身受重傷迨昇至盛家業已奄然長逝其母秦顧氏聞訃以兒子死於非命慟哭而來協同十圖地保金順堂投報上海縣署昨午後縣主汪瑞庭大令帶同刑件人等鳴鑼蒞屍場秦顧氏泣訴前情堅求伸雪感供稱是日小的適發痧未及到場監視以致肇此禍端大令飭件役如法相驗良久唱報委係跌傷身死並無別情大令離座親視一周飭刑房吏照填屍格氏求准自行棺殮免予發封大令允之并許飭役緝邱究辦氏乃慟哭而回

翻印宜究 ○英士傅蘭雅投本管總領事署控華商富強齋書肆主徐渭南鑄記書肆主屈念橋翻印所著格致彙編請為提究英總領事准之立即函致英美租界公廨昨日讞員張柄樞司馬飭役將徐傳案屈避匿不出祇傳到其夥金恒甫旋由司馬商之迪繙譯官著押候下禮拜二傳同原告訊核

馬路工程局瑣案 ○日前南市億康錢莊執事人賈培生投馬路工程局控同興裕雜貨號主江翰齋泰記藥材行夥何少堂串合順昌恒煤油行股東周志善圖吞票銀等情前日總辦翁子文太守飭地甲傳集為江何具保之韓廉卿著交何到案倩襄謙委員黃衡堂二尹研訊賈供上月二十九日江暗囑某某等人情元大等夥至大豐莊收銀滋鬧不堪求恩公斷江供小的奉諭後即往北市訪尋周志善及在法界尋見詢以票銀一節周稱祇銀九百五十二兩並無一千餘兩之多的向之商信周願借給三百兩并囑小的措銀五百兩為之料理韓供小的與江係親串行日前保出後即偕往尋周始知周被人控諸法界公堂管押未釋因倩大豐莊執事人左月春理勸迄未妥洽今願退保買稱票銀確是一千四百四十四兩五錢內有一紙被顧姓騙去執有順昌恒退票字條二尹謂韓曰爾前既保伊日今何得退保姑展限三日趕緊將大豐莊票銀掉還如延押比○前晚包探黃量海偶至同春樓茶肆見有多人紛紛滋鬧因即拘住金紀生杜裕春二人解至捕房轉解工程局黃二尹研訊之下以其事關暗昧諭令押候查明復訊

五月分缺單 ○知府 河南陳州陳桂芬修墓 同知 浙江湖州汪桐故 知州 雲南鄧川陶鎔丁 通判 廣西潯州趙師彙近廣東惠州馮聲萬故 知縣 江蘇儀徵張權捐離任福建長汀沈錫藩丁廣西宜山李日謙調 府經歷 河南南陽李起鳳革 縣丞 山東泰安汪文彥不謹 吏目 奉天義州王毓芸故甘肅岷州陳令圖故 巡檢 直隸平山凌子忠丁 州庫大使 順天通濟庫王鼎銘近 典史 湖北房縣劉壽彭近山東即墨丁其昌不謹高密劉慶祿浮噪



名醫留滬  
余小兒已患瘰癧數載遍請名醫諸皆束手幸遇說及寧波柯大耀先生專治瘰癧無名腫毒等症無不應手如神代請至申診不數日瘰癧全愈感戴不忘謹登申報揚名伸謝挽留在中現寓三馬路富春里二弄第二家便是上午門診貧病不計  
康泰琮誌 乙卯三三

# 杭綢重增新盤

啓者吾杭熟貨前因絲汛大歉市價飛增於五月朔公議格外克己照底實加銀七分滿盤二盤彌補得以周轉迄今二盤又歉而衆西商買輻輳絲源逐漸稀少是故三旬之內市價步漲無已同業實難勉支不得已再邀集同行公議自六月朔起將綢線綢等物尺價照新盤再加實銀五分恐未週知特此登報佈聞  
申江錢江會館公具 乙卯三三

## 聲明假冒人參再造丸

本堂開設上海小東門內已歷百餘年只此一家並無分設貨真價實馳名中外竊思本堂人參再造丸內府秘製治證多端益人非淺風行已久乃近年以來竟有無恥之徒假造人參再造丸偽刻仿單冒名本堂沿街抖擻貨偽冒上拾著以騙路人被騙者受害非淺往往到本堂來問本堂若與分剖不勝憤恨一面著人查訪一面登報聲明以便周知凡中外仕商賜顧者須認明本堂招牌託要人親至本堂購買庶無貽誤  
上海童涵春堂主人特白 乙卯三三

廣東宏仁堂始創參茸芝朮海狗腎汁壯陽種子龍馬酒萬分靈驗與他家之徒託空言毫無實效者有天淵之別一試立分玉石無庸細述  
**始創參茸靈芝海狗腎汁龍馬酒此酒大補身體壯陽種子奇驗無比**  
龍馬酒之頃刻可以見功不獨絕未之見且絕未之聞蓋此酒製煉固比衆精其而用藥尤覺其功用之神奇好在可當面試驗如逾二刻而效者非但不爲奇且可原洋奉贈若非實有奇效焉敢誇此大口無論體質強弱年紀大小只須略飲少許立覺精神充足氣足神清老弱轉弱爲強晚年得子竟可況少年飲之其精力之強盛不啻可知且藥性補而不燥滋而不滯絕非霸烈宜淫之品故日飲一杯弱者立能轉強老者無異少年久服烏髮齒落生精補命門堅筋骨培元固本開胃健脾去濕追風滋陰養血凡諸虛百損五勞七傷遺精滑精腰膝酸軟等症服則立愈真延年却病壯陽種子第一奇藥也大瓶四元小瓶二元雙料加倍如用雙料則藥力大而取效愈速如購十瓶九扣○參茸芝朮海狗腎汁壯陽種子龍馬酒每料雙料廿兩世六元每兩二元功同酒單料減半○外貼發售壯陽種子膏更妙每張一元二角兩經種子即孕丹每料八元○北冰洋真正海狗腎每條十元如假退換廣東宏仁堂舖分上海丹桂戲園南首西轉灣正豐街中市便是假冒甚多認明牌號地址勿誤函購書爲憑以防假冒遠路託郵政局匯銀函購或滬友代辦最要信局不可靠至要至要

泰西新法戒烟薄濟水泰西末士括打秘方創製如敢冒效定即稟究加以重罰售處在虹口白渡橋北仁智里十三弄括打藥房  
人皆知吃鴉片有癮至問其何以成癮則雖吃烟數十年之人不能盡盡鴉片烟用燈呼吸吸肺先受火毒烟氣既入由腸胃達於四肢上頂下踵無一不到即無一處不有烟油油牛積積生虫虫生諸患是名曰癮制之之法要在殺虫消積去烟油解火毒又必有良方妙藥樹的盡善人皆宜使烟癮戒去而元氣毫不受傷然後癮可斷而斷也市上戒烟藥所以不能斷癮者一以妄加參茸烟毒未清先行峻補名曰培元實同痼毒一以癮入烟膏或煉鴉片成粉放入藥內頂癮雖便受毒愈深故吃烟者愈多戒脫者絕少亦以無良方妙藥之故也本主人末士括打秘方精製自來中國即欲爲吃烟之人定一良方俾除困苦精者數年博稽同志每製成一種戒烟藥即與有癮者服之凡歷百餘次經過老幼男婦新癮老癮不止數百人屢經改易藥品始行酌定是方製成此水務期人人皆宜絕無流弊先在澳門施送數千瓶服者俱能戒脫盡人皆知無庸贅述但工本頗貴不得不取回藥資今定價大瓶二元小瓶一元再本主人所製各藥專賣皆有定價批發可以從廉惟戒烟薄濟水命名之義實欲普濟中國吃烟之人立誓不從中取絲毫之利即登報之費亦做同人捐助如蒙各處醫院善堂官紳善士代爲代銷或購去施送無論千瓶萬瓶價同門莊一律並無折扣區區苦心尚希鈞鑒服法照常吃烟一毫不改或喜用熱茶或喜食水果均任各便惟過足癮之後照烟癮一錢服此水一錢頓頓如此癮大照如此水味甘微鹹入口芬芳即不吃烟之人亦可試服並無妨礙如不欲戒烟之人常服此水保不癮面上亦無烟色遇有吞食生烟之人用此水一二瓶灌服亦可回生凡用此水戒烟三日之後便覺煙味淡半月之後精神大佳體強身健百病消除面色潤而烟癮已不覺自斷矣寄贈郵政局最爲妥當本藥房祇有上海一家其餘各埠並不分售寄賣  
乙卯三三

京鄂天齊齋藥局○天下馳名○靈驗第一○異人傳授珠黃八寶化毒丹○包愈男女一切楊梅結毒限日全愈永無後患  
此丸乃本齋獨得異人傳授良方重用真正犀角珠粉血珀極品上藥泡製久練成丹專治男女楊梅結毒橫痃下疳小便皮破膿爛一切毒門無論初起久包可限日全愈如前醫不精服藥不愈誠屬醫國利不顧人之性命收關獨用輕粉升藥倒提丸等當時立愈乃毒氣內閉逢春又發四肢酸痛甚至鼻塌髮禿紅斑起點皆緣毒氣凝結且必染妻絕子其害非淺餘毒未淨其患不休此實醫者未得方速患者豈望安全今本齋不惜重資修合濟世藥者即此丸服下立刻止痛消腫去毒凡極重極危之症服藥一料立可全愈價雖略貴而效足值當能掃毒骨內一切毒氣且能生肌無害屢試屢驗必發必中輕者五天全愈重者七天絕根如用倒提丸輕粉升藥雷火焚凡誤染此毒者雖諸醫束手危險萬分請嘗試之方知本齋藥靈方真之功也○每料價洋十元每瓶洋二元○另有珠黃下疳散每瓶洋七角如男女下疳腫痛口石疳門內便是  
乙卯三三

新出日平全史出書廣告  
此書爲高谷欽夫撰計二十二卷上起開國之初直至明治今皇凡日本之政治沿革大經大法與其變政時之經營籌畫靡不詳備文章亦稱雅潔實日本史中之善本每部十六冊實洋二元五角現已出書在上海中外日報館四馬路緯文閣書會報館棋盤街會文堂普通書室廣學堂廣東雙門底緯文閣書局福建省城三益齋書莊本埠各書坊均有出售  
教 育 世 界 社 白 乙卯三三

新出二十四史論贊  
國家崇尙實學無論大小考試均以中國史事命題然二十四史卷帙浩繁若難記憶是書將二十四史論贊一段依次彙編標目則悉遵殿版書名則本諸史通讀率由序論而紀傳而表志覽其褒貶究其是非舉凡史筆之優劣歷朝之興亡無不可瞭如指掌誠讀史之嚆矢也現已石印成書紙墨精良校對完善分裝十二本一函實價洋一元二角廿二史論贊六元天支地球圖說六角九章細草四角朔方備乘一元四角司馬溫公通鑑論二角通商約章四角原板春秋大事表十二元  
上海棋盤街文淵山房發兌 乙卯三三

江南票五元半分條六角○順直六元分條六角半○浙江四元○真真亦中只此一家並無子孫分店留神隱戲假冒  
海亦中經理各省奏辦彩票批發○設在南市久大碼頭內吉祥街口  
大形展獲 省馳名 逐月批售 乙卯三三

容彩票收兌各省大小紅票外埠代售處均可批發價省公道湖北十二元分條六角半○紳富函購或交郵政或信局均快捷立奉回件認明票封亦在其中  
乙卯三三







上海縣署瑣案 ○流氓葉連生前因攪取某姓女...

英美租界公堂瑣案 ○紫珠花匠薛炳桃...

法租界捕房瑣案 ○船戶陳桂福陳阿弟...

美租界捕房紀事 ○昨日下午捕房所羈中...

廣濟公司江南義賑票頭彩四萬元...

分設上海 趙翰香居

麥嘉龍牌煤油分行聲明

照抄江...

具稟職員前...

二千六百八十二...

通飭各州縣...

等省成例...

價一千三百...

七萬兩以收...

六錢二分計...

征銀一兩九...

而來應此...

大員必欣然...

不關民帝...

...

...

...

...

...

...

...

...

...

...

...

...

...

...

...

...

...

...

...

...





